

4

5

6

7

8

9

10

11

釋

常

談

撰人不詳

中華書局

釋常談序

世有輕委公子。長缺少年。策玉轡於春朝。風流可愛。酌金盞於月夜。逸樂無偕。泊乎陪佳客之談諧。與儒士之言論。理涉隱諭。不究津涯。幾至面牆。真可痛惜。遂乃採古經之祕義。掇前史之奧詞。僅以成編。隨目注解。總得二百事。名曰釋常談。庶有飾於蕪詞。固不愧於博學。其或繼玉塵尾者。無倦習諸云爾。

釋常談目錄

卷之上

投筆
穰侯
喋喋
宅相
有尺布斗粟之事
傾蓋
素領
元昆
挾纊
狐假虎威
排闥
巨卿之信

釋
常
談
目
錄

甲第
右軍
泰山
玉潤
參商
愛忘其醜
銅臭
義方之訓
倒載
周郎
鼓盆
鄧艾之疾

醇醪
小冠子夏
渭陽
東牀
張蓋
水竇
躍馬肉食
絺綌
加籩
蚌鷸相持
負荊
文過飾非

大宛

葛粟

卷之中

彈鋏

傭書

開東閣

東道

七步之才

八斗之才

鬱壘

弊帷之歎

折券

分謗

伐柯

王濟之僻

修容

鬢髮皓齒

么麼

持兩端

屣步

匕筯

挂冠

陶朱公

智囊

真董

遏惡揚善

弧矢

蒲鞭之恥

楊朱之泣

膠柱鼓瑟

雪東門之恥

棄繻之志

潤屋

鮮粧帕服

色莊

握髮吐餐

商君

膏肓

姜維之膽

強項

步履蹣跚

便便之腹

檳楚

手談

塞上翁失馬

卷之下

投轄

登徒子

陸雲之癖

伐善

上巳日

僂傲

以己方人

掃門

達於未萌

挂劍之義

于飛

疊恥

不速之客

無鹽

盤庚

落帽之辰

微瑕

絕纓

俯拾地芥

何日脂轄

忠信獲罪

自掇其咎

無投杼之疑

憔悴

擢髮之罪

杖頭

喪明之感

塵塵

哀王孫

歸遺細君

有鴻鵠之志

燕爾

趙達

釋常談目錄

失鉞

二毛

甞纈

敗於垂成

厚誣

風流醞藉

馳驚

圓規方矩

靡惡不爲

六出

風馬牛

雙瞽

自媒

釋常談卷之上

投筆

從文入武。謂之投筆。漢班超。字仲升。家貧。傭書以自給。乃擲筆於地曰。大丈夫當效張騫。傅介子。立功於異域。以取封侯。萬里之外。安能久事筆硯乎。時大將軍耿康用超爲行軍司馬。討西域有功。封爲定遠侯。

甲第

好宅謂之甲第。甲者。首也。漢書。平恩侯許伯入新宅。蓋寬饒訪之。入門。仰視而歎曰。富貴無常。如此甲第。所閱甚多。忽卽易主。

醇醪

好酒謂之醇醪。吳書。程據常以氣凌周瑜。瑜未嘗有慍色。承奉愈謹。程據自慚。遂投分於瑜曰。與公瑾公瑾。周瑜字也。爲友。如飲醇醪。不覺自醉。

穰侯

見事遲謂之穰侯。史記。范雎自魏隨秦使王稽入秦。在路逢秦相穰侯。雎不欲見之。乃匿於王稽車中。穰侯問王稽曰。莫載魏人來否。無益於事。虛亂人國耳。稽曰。無人。遂去。范雎謂王稽曰。適來偷見穰侯耳。此人見事遲。向來所問。疑車中有人。忘却搜索。雎乃下車。藏於草中。穰侯行十里。果迴使人搜車中。不獲而

去。睢至秦，果代穰侯爲秦相。

右軍

鵝謂之右軍。晉書：王羲之爲右將軍。善書。時山陰道士獻鵝，求寫經，得鵝，欣然爲寫入會稽孤姥有一鵝善鳴。右軍求之未得，遂命駕與親知同詣觀之。姥不察其意，遂烹鵝以待右軍。右軍知，歎惜彌日。

小冠子夏

患目者謂之小冠子夏。漢書：杜欽、杜鄴俱有大名，於兩人皆字子夏。欽眇一目，被人呼之盲子夏。欽惡以盲字爲號，自作一小冠戴之，時皆呼爲小冠子夏。

喋喋

多語話謂之喋喋。漢文帝幸上林苑虎圈，問上林尉虎圈中事。尉一詞不措，有嗇夫代奏對，言語無窮，應答不滯。帝乃命與嗇夫官。張釋之諫曰：不可。嗇夫利口捷給，陛下若與之官，即使天下之人唯事口舌喋喋而已。帝遂納諫。故周易云：吉人之詞寡，躁人之詞多。

泰山

丈人謂之泰山。玄宗開元十三年，封禪于泰山。張說爲封禪使，說女壻鄭鑑。本是九品官，舊例封禪後自三公已下，皆轉邊一階一級。惟鄭鑑是封禪使女壻，驟遷至五品，兼賜緋服。因大酺，次玄宗見鑑，官位騰跳，怪而問之。鑑無詞以對。優人黃幡綽奏曰：此乃泰山之力也。因此以丈人爲泰山。

渭陽

舅謂之渭陽。左傳云：魯康公之母，卽晉獻公之女也。康公送晉獻公之子文公至渭陽，曰：「見我舅氏如母存焉。」凡山以南面爲陽，水以北面爲陽，是康公送舅至渭水之北，因曰渭陽也。

宅相

外甥謂之宅相。魏舒字陽元，少孤，爲外家甯氏所養。甯氏起宅，相者曰：「此宅合出貴甥。」魏舒聞之，曰：「吾爲外家成此宅相也。」舒後位至晉卿，果如宅相者之言。因呼外甥爲宅相。

玉潤

女壻謂之玉潤。晉樂廣字彥輔，衆皆呼爲冰清。女壻衛玠字叔寶，世號爲玉人，故時爲之語曰：「婦翁冰清，女壻玉潤。」

東牀

女壻謂之東牀。晉太尉郗鑒遣門生求女壻於王導家，導命來使徧觀之。王氏子弟咸自矜持，唯一人於東牀坦腹而臥，旁若無人。郗太尉聞之，曰：「東牀坦腹者，佳壻也。」訪問，乃是羲之，遂以女妻焉。

有尺布斗粟之事

兄弟不睦，謂之有尺布斗粟之事。漢文帝時，淮南王長卿，文帝弟也，謀不軌，文帝不怒戮，謫於蜀。在道不食而死。時人謠言曰：「一尺布，尚可縫；一斗粟，尚可舂。」兄弟二人，不相容，帝聞之，追悔不及。

參商

兄弟不和。夫婦不睦。皆謂之參商也。左傳曰。昔高辛氏有二子。長曰閼伯。次曰實沉。居于曠林。皆不相善。日尋干戈。以相征討。后帝不臧。遷閼伯于商丘。主辰星。商人以辰星爲商星也。遷實沉于大夏。主營星。唐人以營星爲參星。故謂之參商。商丘地大夏。則今在未晉陽縣是也。

張蓋

戴席帽謂之張蓋。春秋後語曰。商君問趙良曰。吾相秦何如。五穀大夫良曰。五穀大夫相秦也。勞不坐乘。暑不張蓋。及其薨也。童子不譟謠。春者不相杵。君不如也。

傾蓋

卸帽謂之傾蓋。家語曰。孔子之郊。遇程子於途。傾蓋而語。終日甚悅。顧謂子路曰。取束帛以贈先生。傾蓋駐車者也。

愛忘其醜

人有相善。不顧其過。謂之愛忘其醜。呂氏春秋曰。陳有醜人名敦洽。虓眉權頰。廣眼垂肩。唇薄鼻昂。皮膚皴黑。陳侯悅之。外使治國。內使制身。後楚兵所圍。發言拙僻。楚遂大怒。促兵伐陳。三月而滅。人有言曰。敦洽兒陋足以駭人。語拙足以喪國。陳侯可謂愛忘其醜。

水寶

溝渠謂之水竇。左傳曰：專門圭竇之人，而皆凌其上。又曰：禮義著人情之竇，大可通流也。

素領

項後白髮，謂之素領。漢馮唐白首爲郎官，素髮垂領。

銅臭

將錢買官，謂之銅臭。後漢崔烈有重名，靈帝時入錢五百萬拜司徒，烈名譽遂減。乃問其子鈞曰：外人議我以爲如何？鈞對曰：人盡嫌大夫銅臭。烈怒，舉杖擊之。鈞服武弁而走。烈曰：搥不受而走，豈爲孝乎？鈞曰：舜事瞽叟，小杖則受，大杖則走，烈慙而止。今以富者亦曰銅臭也。

躍馬肉食

乘肥馬，食珍味，謂之躍馬肉食。史記：秦國蔡澤，閭善相者。唐舉曰：聞君相李兌，百日內持國柄，有諸乎？舉曰：有之。請相。予如何？唐舉視之曰：君揭鼻戾唇，魑顏蹙頞，吾聞聖人不相待先生乎？蔡澤知唐舉戲之，乃曰：君更得四十三年矣。蔡澤笑曰：吾躍馬肉食，更得四十三年亦足矣。後果代應侯爲秦相。

元昆

長兄謂之元昆。周易曰：元者，善之長也；亨者，嘉之會也；元則長也。故論語曰：人不問於其父母昆弟之言。注云：昆則兄也，非長兄不得呼元昆也。

義方之訓

教子弟謂之義方之訓。左傳曰：石碏云：臣聞愛子，教之以義方也。

絺絺

葛衫謂之絺絺。論語曰：當暑，纈絺絺，必表而出之。注曰：單著葛衫而出，非禮也。必表者，須著上蓋也。

挾纊

著綿衣謂之挾纊。史記：楚與齊戰，楚旣衆，時值初寒，楚王撫慰將士，甘言勉之，三軍皆如挾纊，不覺寒也。

倒載

沉醉謂之倒載。晉山簡字季倫，爲荊州牧，每出酣暢而歸，人歌曰：山翁住何處，來往高陽池，日夕倒載歸，酩酊無所知。

加籩

增添飯味謂之加籩。左傳曰：鄭伯享楚子，加籩豆六品矣。

狐假虎威

託威權者謂之狐假虎威。春秋後語曰：楚莊王問江乙曰：寡人自以昭奚卨爲相，諸國不敢犯境，豈非賢相之力乎？江乙對曰：王曾聞狐假虎威乎？王曰：何爲也？對曰：有虎捕得一狐，欲噉之，狐曰：爾勿食我，天帝使我爲百獸之長，爾若食我，是違天帝之命，必不祥矣。爾不信，當隨我行。百獸見之，無不奔怕。虎不知百獸畏己，將謂畏狐，遂不敢食。今大王有甲馬五千，強兵十萬，諸國畏大王之威，不敢犯境，非畏昭奚卨也。

王曰寡人知矣。

周郎

上流會音樂。謂之周郎。吳志周瑜字公瑾。妙於音律。每有筵宴。所奏音樂。小有誤失。瑜必舉目瞪視。時人曰。曲有誤。周郎顧初。孫權兄名策。與周瑜同征夏侯。獲喬公二女。策與瑜各納一人。策謂瑜曰。喬氏雖至流離。得吾二人採納。可謂佳壻矣。吳國因此呼瑜爲周郎也。

蚌鵲相持

兩人相摺拾。謂之蚌鵲相持。史記趙欲伐燕。蘇秦爲燕說趙王曰。臣今來時。水中見一蚌出曝其腹。有鵲鳥啄其肉。而蚌合其背。蚌曰。今日不出。明日不出。必見死蚌。鵲相持之際。有漁父見。併而擒之。今燕趙相持。爲弊甚衆。臣恐強秦有漁父之功。願大王熟計之。趙王乃止。

排闥

推門入。謂之排闥。漢書曰。樊噲沛人也。以屠酤爲業。後從高祖征伐有功。高祖既定天下。嘗臥疾於禁中。不欲見人。詔閹者不令放羣臣入。噲乃排闥直入。見高祖流涕曰。陛下與臣等起於豐沛。其何壯也。今天下已定。又何憊也。帝乃笑而起。

鼓盆

喪妻謂之鼓盆。莊周妻亡。惠子往弔。莊周不哭。乃鼓盆而歌。人問其故。莊周曰。哭且無益。自損而已。

負荊

人有過將謝罪。謂之負荊。史記。秦昭王與趙王會于渾池。秦王謂趙王曰。寡人聞王善絲桐。願聞之。趙王乃爲鼓琴。秦王遂命史官書之。趙將藺相如進。秦王前曰。寡君聞王善擊缶。請擊之。秦王不允。相如按劍於前曰。五步之內。制在一夫。大王豈可恃衆乎。抽劍怒目。欲刺秦王。秦王驚怕。乃爲擊缶。相如亦命史官書之。會散。各歸本國。趙王以相如爲將軍。廉頗嫉之。曰。我有攻城野戰之勳。相如徒有口舌之勞。豈可位居吾上。若逢見。必當辱之。相如聞之。出入道路。迴車遮之。相如下。諸吏曰。某等各辭親而仕君者。慕君之高也。今廉頗與君同列。而君畏之如此。某等雖不肖。各請歸農。相如曰。吾尚不怕秦王。豈怕廉頗乎。秦所以不敢加兵於趙者。難吾二人。今若二虎相鬪。勢不俱生。吾豈可棄國之急。而行私忿乎。廉頗聞之。乃負荊詣相如門。謝曰。頗言寡淺。輕侮君子。將軍弘雅。乃至於斯。遂與相如爲刎頸之交。

巨卿之信

與人相約。應時而至。謂之巨卿之信。後漢范式。字巨卿。與張元伯爲友。春別京師。暮秋爲期。元伯至九月十五日。殺雞炊黍以待之。母曰。相去千里。何以審的。元伯曰。巨卿信士。必不愆期。言訖。巨卿果至。

鄧艾之疾

口吃。謂之鄧艾之疾。魏將鄧艾患吃。晉文帝戲艾曰。每稱艾艾。不知有幾艾。艾答曰。假如孔子云。鳳兮鳳兮。亦只有一鳳耳。

文過飾非

有過不改。但說詞理。謂之文過飾非。論語曰。小人之過也。必文。又魯哀公問孔子曰。弟子孰爲好學。孔子對曰。有顏回者。好學。不遷怒。不貳過。卽是不文過飾非也。或云。顏有過不至兩度。然論語內二字絕多。唯不貳過字別。何也。貳者。副也。且周易云。顏氏之子。其庶幾乎有不善。未嘗不知。知之未嘗復行。

大宛

馬謂之大宛。漢書。李廣爲貳師將軍。領兵伐大宛國。得汗血馬。武帝遂作天馬歌。因號馬爲大宛也。

芻粟

馬料謂之芻粟。後漢第五倫爲會稽太守。躬自斬芻爛粟以飼馬。

